


翰苑新書

第卅二冊

別集卷三之四

通劄子

與劄子



新編翰苑新書卷之三

別集

劄

七提頭通劄式

通程內翰

方壺山

某伏以孟夏謹月共惟某官旗蓋戒嚴德望填壓神天拱
衛台候動止萬福某敬熏沐九頓首奏記戲下仰乞財幸
某申詞彛儀已嚴右剡北辰麥秋清潤暑氣未炎不諗召
用何似欽惟道德詞章之老番宣屏翰之望動息之頃安
危所關敢乞躡璫梳之眷厚永給之奉對揚環召歸秉事
樞某筆二

某茲者切審冠珙奎閣作牧潛蕃溫詔趣行仁聲載路伏
深驩抃某待罪道傍縣令行當鞠躬歛板盤辟雅拜於車
塵馬足之間引領前旌無羽飛肉

某恭以某官龍章鳳姿之表足以儀刑百辟地負海涵之學足以貫穿千古日光玉潔之辭足以羽翊六經先帝簡拔以遺陛下二十年來朝廷大議論大典冊皆出其筆他學士傍觀而已昔陸宣公秉筆於奉天蘇長公代言於元祐汪龍溪視草於建炎皆於翰墨之間有以天下之心鼓天下之動大雅不作非我公其誰繼之今茲抗章勇退若顏毅色不以三公易其介凜然有古大臣出處進退之風矣皇上勉留數四雅志莫回便朝引對龍光密勿識者以此覘魚水之眷素厚風雲之運方開建雖巨藩安能鬱二久居者歸衮衣宣責麻某何幸拭目

某海濱賤士少於方冊傳誦夫子之辭章壯從縉紳講貫賢人之德業居常積泰山北斗之瞻思一快景星鳳凰之覩而不可得敢謂高牙大纛來式南邦遂獲以附庸小吏受察於使天之下永言際遇云胡不喜

某甫之鄙人祖父皆奮寒苦歷清望至某失學始不能世其家北遊江淮南驚嶺海偶然脫選以格試縣實在四通八達之衢群嘲衆笑之地某載星治事飲水律已兩考又七閱月矣末路兢兢愈危愈懼一旦天惠仁牧來照臨之方且與百里髦倪游詠歌舞於祥風慶雲之內豈非幸歟至於保全覆護之請當開府建牙之始仁行如春威行如秋某敢私禱以干大戮惟閣下裁哀之

某公守綦賤不敢申貢行府珪輯福履之間伏恐屬邑有駸策事件乞賜行下

通楊左司

方秋崖

某宓以風露雙清秋宇如拭恭惟某官雍臆郎省翊亮宰涂吉衛紛綸台候連止萬福某雪研熏毫敢希拜頌忱于典記者

某謂帝選碩賢調娛鼎寶噓呵元氣笙鏞至和寶令循彝

謹毋庸瀆

某仰惟先正太師以甘盤舊學金玉睿明未究經綸上意有屬某官濟美魏科舒翹清路懷香武部承耀辰階紹興天子謂學為宰相者匪公則誰顯相吉辛綠綵褒擢以丕昭前人光某尚親見之

某三生機緣叨尾題雁飄茵墮砌終然分殊山翠蒙密無從以隻字入帝城分也匪慢也容光必照焉

某生無媚骨與世少諧七稔耕雲百念俱冷分麾縮戎莫遂祈閑有旨趣行冒然祇役自矢冰檠謹護本根第揣猶迂未知攸淑每念小孫某濫次童科階榮仕版陽和粲筆成始成終菌幹桐枝生意彌滿緣是徼福俾我熙臺游沫九霄雨露中某知免夫

某寒涉蛩吻詎應晉紊鈞韶然舍是無以旌悃悞流電垂灼億梯其榮

某仰只瓊樓玉宇雲氣高寒敢贊不敢問偏壘百孰惟命之共

通隆興帥曹吏部

方壺山

某伏以閏餘謹月霽景留春共惟某官坐鎮方岳師表徼侯帝眷神依台候動止萬福某一介吏屬贊敬齋鉞之下必薰被而后敢前仰祈財鑒

某聞元氣在身猶忠賢之在國也寸膚無不愛而培養則有所當先者自公之西寬上憂顧四肢強矣願進內君子之說以強國脉某既以公壁言之國願公以國而愛其身某近觀有叩天闕者劇論當世人物惟某官為第一質之卿士採之國是如出一口非一人之私言也蓋學問準的於聖賢而論不詭名節著明於事功而慮更深漢上之變湘中之寇蜀邊之擾談笑底定是特一班忠言至計欲吐更多千里見王及畿而返出鎮江右又復踰年人心勃然

遂激而為叩閣之書者真蒙縫相形和戰守未定欲決國
論問誰可相無如參者敬請促裝

某僻居于莆望康廬精舍有一世大儒在焉家貧且遠無
說累粮脫屣戶外麾節徜徉時不有遇獨未得如半山事
韓子楊后山事坡于穎懷此有年乃今以計屬一寒奔走
玉帳下召還有日賤戍在秋或者未至之已遲凜乎趨承
之靡及

某拙根於天賦學無所師承乙丑叨塵忝需冷次七年劔
學僥滿又需今次四年閑之日不自力仕而學則已踈餽
餉責殷裨贊謀畜奉二老以就養喜元帥之有依曳組白
事與列屬俱執經問疑以諸生見教警提擻倘自今始是
明公一日之留寧不為賤予一生之幸

某通名之初合二莊毫素以極其尊敬之意束於牘制短
啓將誠語言不工自速誅絕倘經電瞥沒齒餘榮

某場畏株守不敢僭申使閱崑閩之媿即日如天之福伏
恐莆中有筆策條件某歛衽而聽要束

通王安撫

劉後村

某伏以仲秋謹月共惟某官閩鉞尊嚴威鬯仁洽穹厚昭
既台候動止萬福某敬熏被再拜奏記戲下伏祈財幸
某愛助小忠輒忘重出比辰積雨初收風露不爽不認台
用何似欽惟道德之老慈惠之師與物為春與天為徒固
已備乎中和之氣不導引而壽矣世俗膳服之禱某謹不
敢贊一辭

某切以某官有管仲藥毅之才故豪傑仰其高有賈誼陸
贄之學故拘儒服其通有汲黯張昭之節故諂子憚其嚴
立乎本朝道合則留不合則去嗜名義如飴蜜棄榮利如
涕唾二十年來舊人日少明府執牛耳獨主齊盟可謂魁
壘骨鯁之臣矣深惟今日局面至急擔子至重非閣下發

大願力有大氣魄誰與領此闕雖樂土願無淹留某拭目以觀衮歸

某側聞侍郎於八州五十縣屬吏教之而已未嘗誅譴也董之而已未嘗操切也有慈父嚴師之意焉某於此時獲叨民社與里胥亭長同受約束於大都督府願非幸焉引領轅門且喜且懼

某兒時便蒙賞音歲月幾何忽焉老入北戎離度嶺髮禿齒落所成何事其羞辱知己甚矣道傍劇邑宜得健令某罷輒不勝任一可慮孤危不自保二可慮衡此二慮欲前復卻然終不免一出仰侍侍郎鎮物如山容物如天豈不欲庇一門下士乎至於佩孔門學愛之訓味蓋公清靜之言推廣元帥詩書禮樂之化則某不敢不勉

某事上之始法當通名惟是筆硯廢放文義鄙淺必為帳下兒所嗤倘蒙重仁俯賜覽矚某幸孰甚焉

某退循分守不敢申貢使閱尊眷福履之問某伏恐下邑有一切驅策共請放下

通輩漕權帥

某伏以矩矱得正播實告成共惟某官雙組焚煌列城震竦天維顯思台候動止萬福某行矣伏謁

某慶于記府僭祈電矚

敢潔滌旅

某再申詞禮隄述頌聲聞之十連即臺之一道不加富也而事權則加重驩謠則彌飽觀風亭上襟帶堂中同一主人有川后山君之隕社何饗人縉子之足云

某共審外臺底績中旨疏榮就兼督府之權益壯洪都之勢伏惟歡慶竊觀中朝人物所謂卓然俊偉者萃在江西方曹公之鎮于此先生之漕于此同時皆以侍右郎至人曰兩吏部也今帥以簪橐陞矣先生兼節鉞而佩之蜚輓之功既高保釐之績彌著叢此外庸入當籌帷次則來以

三銓召以二卿軌轍具在蓋視曹公有過無不及也非獨以國之論云然

某日者飾固陋之辭展趨承之敬屬吏禮也陂量容涵不抵于地幸矣報之書愈幸矣珠玉煩賜又講施報幸出皇外拜賜而驚傳觀已遍襲藏不朽今復弗揆緝緝儂詞修賀則宜游讀有罪

某居貧日又携扶頰難遠騎踵門華其往成仰体熏慈矜念其屬之意盡室感以中秋後三日問塗行行及境觀瞻道德依倚聲光真副不空此生之願然久閑驟出進超朴野語言拙訥不能逃臺參之一見必矣雖曰疚心厥職豈能自效所長預恐曠濼仰祈容覆有請至再伏紙凌兢某以卑事高仰視使閱自有等威不敢凌躡而貢起居問某自閩涉江將入部內竊視條教某用敢熏被以請要束之頒

通王運使

劉後村

某伏以孟秋謹月共惟某官弭節行臺風采竦動后皇簡相台候動止萬福某敬熏沐拜手登名主書伏乞財幸某申調彛儀具嚴右染北辰秋氣尚淺餘暑未清不審台用何似敢丐躰藻旒之眷厚裊鼎之奉對越嚴召入登要津某愧扣

某恭惟某官以忠孝傳家以才業發身以力量運用斯世明足以發摘而養之以晦剛足以繫斷而發之以和臨郡國則著甘棠之愛立朝廷則負喬木之望蓋管葛之器識荀賈之謀知龔黃之政事王謝之文獻悉兼之矣輟從華省奉使全閩八州數十縣吏民畏之愛之如秋霜嚴而春旦溫也瞻之仰之如福星臨而喬岳鎮也上方圖回一新號召四出趣歸禁近超秉事樞有元祐鼻祖之衣鉢在某非敢為諛

某少窺方冊尊慕奕葉之忠節壯從縉紳講貫當世之大
名仰觀宮牆邈在霄漢陸沉下士未覩鳳星乃今作吏一
行沒階而赴望塵而拜將自此始非天侈其逢乎請言幸
會喜懼交并

某家世莆田老人大父皆由寒苦自奮其不肖不能紹先
緒又無以取世資北戍並邊南遊至海辛苦厭倦殆為築
室返耕計矣迫於親養冒注茲邑頗聞牒訴如山板帳所
欠鉅萬假有敏手未知計將安出况如某之愚闇迂緩者
乎雖然閩中諸邑之命懸於使司而已明公倘主盟其孤
危鞭策其遲鈍誓當鞠躬盡瘁仰奉使令至於二天之喻
昔人以為私禱某不敢效尤以干岩謹惟執事實哀矜
某既迫戍期修辭立誠以候丞史禮也抑某才思殫盡文
義鄙淺深媿不足以鋪張事業披寫情懷尚望熏仁俯垂
覽矚某皇恐死罪

某分守綦賤不敢僭越冒貢使閱珪眷起居福履之間某
行矣歛板庭趨恐有下邑使令敬受大府約束

通顏運使

戴象麓

某切以冬司孟瑄春上煖枝共惟某官一節星移百城風
動聖明東掖穹壤翊扶台候動止萬福某謹三熏心九頌
首申候旌輶仰干籤府伏祈鑒在

某仰惟福星垂覆清明在躬旌纛鼎臨川岳效職各以其
福來相茵憑彛禱某小吏何所容喙

某茲者共審某官拜命璪旒榮玉節福星暫出於虛危
之分恩波均暢於翼軫之區闔郡生靈萬口交慶某一介
小吏同出不勝舞蹈

某共以某官風猷凝遠器識高明中外踐敷聲聞赫奕官
聯糾正上贊六泰階之符卿位陞榮下薰九農邑之正雲
霄逼近為魁為樞一武可到而帝眷赤子彫瘵未蘇江之

東既頌公煖之以袴襦江之西又欲公活之以升斗是以復移台躔以福茲十一州之民蠢蠢爾民何脩得此想夫東人詠去思西人歌來莫界上之爭我杜公者紛如也祇恐英節方持璽書荐至天鈞播物流澤八區豈特一道得以私惠其不勝卷卷

其最爾艱生占籍長樂仰望臨漳巨邦忝一邑子之列第愧草茅一寒居顏子之國而不識顏子深孤此生曾謂試邑南康今已九載而艱險未途迺蒙棲身二天之下受容受察榮幸何如曾未樞趨輟布心腹皇悚萬狀

其一介小吏僭越通名之始謹齋沐率課短啓少費下忱塵滓太清蕪醜汗下辱賜覽擲榮感萬分其不勝皇懼之至其揆分穹岩不敢僭申隨軒蓬方列仙之敬庇職微眇又不取請先更之令惟教條頒新所以惠幸下邑者其俯伏三肅俟命

通吳運使

戴象麓

某伏以春用季瑄雨足江擘共惟某官敝建計臺仍開帥聞玉梳寬顧三辰贊襄台候動止萬福某謹齋明拜手熏被裁戕東望星輶少伸卷卷燕賀之禮仰祈矜体

某欽惟聖天子惠顧江右百萬元元借重儒魁出司邦餉福星所舍一路皆春叢祉墮祥弗禱自輯其一介小吏謹不敢以律襲彛語塵溷茵憑之下仰乞涵貸

某恭審某官疏恩天陞總餉星臺拜詔即行單騎赴軍民之望受知最厚雙龜兼臺閭之雄教令方新吏民交抃伏惟慶愜其不才賤吏學製偏陬屬受容受察之初寔與一道耄樺同此鼓舞仰乞矜察

某共以某官中庸之學自明而誠剛大之氣配又與道所養者得周程正大之學問宜自家傳故發而皆孔孟經濟之士功蔚為世用遂以海內寡二之學而收入間第一之

科自室劔之發新硯如輕車之駕熟路出宣漢詔入蓬周
行東撰秘儲旋討論於史院進陪銓部復密贊於樞庭方
貴騰日月之名盍蚤上星辰之履帝念江西數郡久罹兵
旱之餘公實斗南一人暫出虛危之分外給貂貅之
萬宅內安鴻鴈之群居為朕寬南顧之憂少蘇鮒轍即日
渙東歸之詔行覲龍光某敢以中外所期僉者輒於塵幅
之末私布之某皇汗僭越

某惶恐小官事尊之神禮合牽課小啓費賤名于函席之
前約束有嚴不敢冒昧進退維谷仰乞矜原

某塵坐小吏景慕魁斗在天可望而不可邇不啻天畀奇
遇獲預鞭策使令之末榮幸何如第以生長孤寒稟受庸
拙業儒無術試吏罔功區區自揣僅有一寸愚丹小廉小
謹律身恤民以報國家終始不替而已惟是學製無譜善
後尤艱方此凜然而忻際先生持節洪都以幸一路玉振

金聲何啻大鏞之在東序俾一命以上皆得假春容之聲
以警所不逮先生之惠後學弘矣某拳拳歸向之切
某私切自度以下色而申大府起居之恭以屬吏而請崇
臺駟策之目皆僭也某併用不敢惟先庚教條某謹百拜
以請命下

新編翰苑新書卷之三

別集

通劄

新刊翰苑新書卷之四

別集

劄

九提頭與劄式

代與曾參政

方秋崖

某伏以天地允說稻雨欲涼共惟某官訃謨帝庭妙參元化
端然舊德格于皇天海宇阜康六氣以序鈞候動止萬福

某切惟一德元老端笏品廊恢張時邕天同神比風雲之
會與國匹休陰凝陽和要不出燮理之囿惟聖天子儀齒
黃髮方以二典三謨之盛仰之宗工敢願公相愛不貲之
身如金如錫如圭如璧以畢能事云某仰惟皇上奮發英
武旋乾轉坤陰霾劃開洗光日月爰立舊弼盡出獨斷於
時公相優游綠野復出而與二三大臣緝熙元功八荒一

王化鑿

雲物二蘇醒聲氣之感天地開除內前宣麻縉紳舉笏相慶

某身在遠外遡魁袞以自快蓋上以為朝廷之賀而下以為吾父母國之賀

某筆凡墨陋安能藻繪文字贊頌對天之休切謂公相自韋布時抱吾夫子仁義之澤禮樂之具對延英鋪繹之臚句初傳太史奏日中五色蓋已極天下選矣黑頭秉政霖雨滂漉而乃卷威宗之澤御風騎氣與造物者游聖化一新中外日夜禩大老來歸為國著蔡中台焜耀太平之期可政矣某庶幾見之

某賦畝愛君以謂皇上養聰晦明於不作不知蘊積渾融更十寒暑一旦動盪振拂駕風鞭霆有不及掩耳者皇乎休哉非漢宣帝唐太宗所能政已方今收召眾雋拔茅彙征太陽朝升羣慝自伏然小人為國病猶靡疽之為身患

羸豕躑躅金柅係之小人之勢孤矣而童牛之牯欲剪於始萌否則安知其不徂伺於吾旁乎狐既獲矣隼既射矣若遽然不虞則伏戎於莽升其高陵彼將伺間而乘也伏惟公相堅持之以致天下之泰

某嘗謂國家講恢復之說餘百年於此蠢茲讎虜天怒神怨亦既腦余吾髓沙幕矣鞞何為者狐鼠晝嗥意者不能不少勤丙夜憂顧某嘗攷鞞戎自唐僖宗時隨朱耶赤心討叛勛蓋咸通之九年十年也厥後李鷄兒又以鞞兵復京師則其驚悍殘忍見於中國亦且三百四五十事會之來無有終極百餘載間滅遼滅金而今茲又將滅鞞某雖不敏尚能磨浯溪之石作大唐中興頌以歌聖君賢相事業

某至不肖方公相以天地為爐入人物二斤歸橐籥往者望赤舄於翹材之館六符燁然不圖分絕百僚而所以尉

籍之者甚寵九鼎一言自雲霄飛下某庸有以藉手于經
略監丞調護此來丕戴陶鎔之賜有懷感激浩蕩如江
某分邑萬山間井落數家聚耳氣象葦然无以大異於嶺
雲關雪之外初見父老未知何以拊摩凋瘵上侍鎔冶端
有化工大鈞無垠萬象春氣某區二歸倚之心雲天在上
某仰止鈞庭迥在峻極豈敢冒昧自干不韙之誅惟當恪
共官箴以無負驅策

代與喬樞密

方秋崖

某伏以天地委和玉靈凝瑞共惟某官訐謨基宥開張時
邕道叶乾心永綏宗社鈞候動止萬福
某切惟陰陽密移於八極之表其機緘斡旋實在工宰道
化之妙一身自有天地方將采明堂月令使天下不出燮
理之囿於消息何有某窺見洪造如此
某嘗謂君臣會逢之際盖有天人交感於其間精神一堂

無強惟休是爲天下之泰豈偶然哉相公一德元老格于
皇天典冊揚庭正位樞極都俞吁咈與參天下大政伏想
綸言誕告公門省戶縉紳喁二舉笏相賀吾道幸甚某嘗
歎士局於用至不知兵必有文武之兼迺能自任以重吾
夫子粹然禮樂之宗主而夾谷之會聲光燁如此固儒者
能事也然則疊兩侑以踵拜中外知有爲之秋矣金鑿草
麻亟正魁軸某尚切遲之

某共以文明之世禮樂之用粲然實維一二真儒緝熙大
典猗歟休茲六氣以序三光以齊亦既繩金而縷玉矣永
惟經濟之略具見於洋二大對之初盖上不負天子下不
負所學吾宋之陸宣公也某切有比擬僭不容誅

某窮居讀書嘗切有歎以爲胡虜無百年之運國家有十
世之離事會方來天怒神怒腥羶鱗介噍類靡遺則既報
我祖宗在天之靈綏我中原遺黎之望矣此皆相公密勿

天造執神之機運動天樞洗此氛翳迺知真宰弥縫密妙
决非蒼生所能測識甚盛甚休

某翦二諛聞知誦相公之書餘三十年盖大父尚書辱出
相公榜下士方休憑慈恩之舊沐浴華暉獨某块北之中
不翅草芥執贄而望赤舄如隔雲霄六符之光照耀參井
某惟有屏息

某仰惟大鈞之播無間洪纖一氣所春芽甲自遂某是以
得不弃於化造之外然以蟣蝨微賤坐通名氏于光範門
時謂之僭交代受迓於紫垣而為之代者不能修鳩閣之
敬時謂之慢僭與慢皆罪也而與其慢也寧僭某俯伏惟
謹

某惟分絕峻極豈當冒昧不韙寅想天樞崇邃維石岩二
與國同休式燕禔福
某牛馬走之力不足以奉觥令誓當靖共無負器使

七提頭與劄式

代與史督相

方秋崖

某伏以韶光之半春老丹莢共惟某官入覲于王都俞清
燕筆參政秉尺護師干鈞候動止萬福某溯江而東敢以
顯冊揚庭為天下賀

某嘗讀唐宰相世系其間銘彝鏤鼎盖有不再傳者惟元
勲巨德有大勲勞於王家則名卿材大夫往二萃於其門
殆天意也天固生之必固相之此某所以不敢請節宣于
茵憑之有司者

某惟聖天子厲精苗治蓋將六五帝而四三王臨御於今
其朝于伊訓夕于臯謨者郁如也乃睠西顧則有袖周公
太平之書而越在外服者邊鄙於何而寧謐廟社於何而
尊安必如龜卜燭照而一二教矣馳四革而驛召之至則
對中秘之庭漏下十教刻君臣之遇於斯為盛蜀先王之

與諸葛武侯其劣諸

某聞古者文武無二事孔子也而有夾谷之會周公也而有東山之詩其魏二煌二至今光于簡冊者真儒之效如此皇上帝文侯之命付相公以天下大政而使之盡護諸將意固有在也蓋唐之討淮蔡四年矣帝有息言相度來宣則開明堂以坐治之耳鋒蝟芥螿實非盛德事伏惟詩書之所滲漉仁義之所漸磨要皆吾聖入六經之用也甚盛甚休

某五年于淮鼯鼠之技窮矣時當多事使吾君北顧而隱憂則繫誰之罪也雖不以賊遺君父凜二此心而折筮以筮羗夷挽河以洗兵甲其將且奈何哉日夜冀投之丘樊以毋敗乃公事

某自制下之日嘗東望拜手而言曰維天維祖宗克相有宋世祚名輔愚不肖似如某者何幸親見盛舉謹件副墨

如左蓋上以為宗社之幸而下以幸吾私也

某於德門尊大之媿抑子姓耳敢不敬問起居狀而請其所以條約者

代與史參政

方秋崖

某伏以春之莫矣雨逗花寒共惟某官從容基宥之庭參決鈞衡之務神天闔擇華夏底寧鈞候動止萬福某謹遡泰階六符端笏以謝典史氏

某惟天以宋克肖其德誕開熙明為生英儒與世立極將使以太平六典禮樂皇家覃及龍荒沐浴帝澤是為有宋迓續億萬年無疆之休命咨尔司鼎為國業共

某恭以皇上英武睿明慨然南面而歎志未嘗不在中原也旄頭塵慧羽檄騷二夜披輿地苗問天下何時定又矣乃睠西顧驛召一賢發冊臨軒晉參國秉士大夫動色相賀以為越衛兩王前日未既之功名端待今日舉明主於

三代開壽域於八荒在此舉矣某蓋嘗操觚爲國家賀
某愚且不學所不敢忘者先公教忠之訓耳遭時艱棘聽
鼠之投易窮顛困者誰乃使君大夫其肝食也受詔西援
幸解重圍然退省其私且不足以謝過而奚功之云忽奉
綸函顧以大司寇印綬褒借而寵光之共惟皇上風厲之
恩相公薦進之造際天蟠地不可殫紀抑某非其人也惟
有惶恐

某昨陳免擯具述君臣大誼猶子事父孰有以幹蠱為勞
績能家邀功嘗者乎天必從之期得請而後已夫是以不
敢據其感刻之萬分一從門下吏以謝不齒五雲之朶春
韶與俱雖淮山介在邊寒頗有生意某也則惟穎之泚
某惟二三執政大臣也典章文物曼絕百僚駢儷四六之
文殷勤五七之體不宜謙損於遠外之一邊吏謂當重綵
十襲悉上送於中涓而某懼其瀆也永寶之以爲子孫藏

某仰止鈞閑何啻隔弱水三萬里九霞飛佩同燕春祺若
曰啓居何如某奚潛之敢

代與史大參

方秋崖

某伏以惟暮之春霽景韶秀共惟某官妙參基宥道叶乾
心謨明弼諧與宋立極鈞候動止萬福謹件畫以謝翹
材之掌書記惟六符委光焉

某共以表采陰陽佐天子以洪範九疇者二三大臣道化
之運也若曰列鼎自重云者滋贅然越王衛王之所授受
荆人楚人之所戴慕要皆以無前之偉績仰成真儒相公
宜愛不貲之軀以畢能事

某廼者聞皇上夜坐宣室慨然有乂不見賈生之思驛飛
庚牌外數千里召公於黃鶴入對中祕相得甚驩一都一
俞而天下事定矣其將作臯謨說命爲萬世開太平章及
窮荒同我文軌蓋伊尹自任之重如此地天之泰在茲一

舉甚盛甚休

某惟姬公作周六典實鳧鷖既醉極盛之時也文中子窺見其精微以為治家治國治天下具是書矣如有用我者暮月而可今幾百年終遇公相坐于廊廟出家宰之緒餘以與吾君上下其議論一轉移間而乾清坤夷已見治象夜半下尺一詔趣百寮班文德殿聽宣麻案則周家禮樂粲然復興惜不令王仲淹見之有嘅其歎

某邊吏耳無故而進班承明綸綍之頌大驚群聽此雖至主激昂之微意明公薦進之盛心顧惟書殿陰名所以極儒生稽古之榮酬大臣久次之勞而某也何人乃在茲選一命而偃再命而倭三命而俯循墻而走其奚冒昧之敢某退自揆度既無以仰當恩除對揚天子之休命則不得輒和其名氏以聲區區二感謝之萬分一禮也敢面相公略位貌於不有灑翰墨以相先榮光燁然如自天落某謹重

緜十襲而識之曰世二子孫其永保之

某邈詹中台惟有屏息敬願老先生眉壽無有害與國匹休燕及翠蓬同一禔福

代與李參政

方秋崖

某伏以天地兗悅平秩西成共惟某官祇召自東入參大政百揆時叙鈞候動止萬福某敢三肅為天下賀

某惟公相表采陰陽妙贊元化蓋將以齊三光序六氣而工宰所繇出也若曰燮調鼎鼐云者不當徹聞政事堂之右聖天子眷求舊德垂拱仰成以茂建無窮之丕基敢願與國匹休畢此能事

某聞聖人以天下為度同此一仁彼其悍然執兵以與我從事於邊鄙則猶四体百骸膚革之不仁者也雖其痛切於身且不忍斷而殊之天生裔夷為中國限羊腥犬穢薰染蟠際然亦天民之冥頑不靈者耳其於父母之懷蓋憐

之而不忍怒公相啓吾君以聖人之度密契天心從容機
庭都俞吁咈又美鋒車趣覲而任舊人乎告未終縉紳相
慶曰社稷無強之福其在茲乎願少須臾觀兩階干羽之
舞

某試嘗論君臣會遇盖有天入交感於其間張留成侯袖黃
石公書語他人輒不領而漢高皇帝獨會以心此豈非神
授者耶公相起蜀西南上見謂晚意若曰自三蘇公不作
西州英傑之氣扶輿鬱積餘百年前日未既之功名端待
今日八荒霖雨望平治於期月之間內前宣麻正位台鼎
眷思又已定矣甚盛甚休

某落邊州者越數年望天上群公於觚稜之雲表何啻隔
弱水三萬里讀公相除拜之冊輒與士大夫相賀然猶不
得執贄以望赤舄而借席間函丈之地條其所以守邊者
惟有飛夢不間沉寥

某每思惟揚枕江捷淮爲古都會中興百餘載帥藩者凡
幾人而戎馬騷二民之瘡痍未瘳也濠流如綫深厲淺揭
雖屹然故壘盖亦未易恃以無恐朝思夕慮凡力之所及
者惟日不足今既十七八備矣亦惟廟堂切二根本之計
當以次第條上

某恭以對敷休命之始機孔殷邊瑣二一有司不宜用小
夫竿牘以瀆門下舍人然有德進而朝廷尊中外無不喜
悅輒拾輿人之誦如此惟造化翁受之

代與趙大參

方秋崖

某伏以天地既春草木欣豫共惟某官緝登閫制玉帳靖
嚴有偉麟符兵民夷擇鈞候動止萬福

某惟天惟祖宗克相有宋篤生元勳咨爾嶽靈夙夜受職
其將莫宣帝澤與國同休某敢問所以調鼎護茵者
某共審顯膺明制誕告多方峻躋秘殿之班增重留都之

勢若稽彝典式對宗儒實維富文忠之綏北庭范文正之
拊西徼有此異教加以大稱自非勲德與侔不在茲選制
除之日乾清坤夷公敬願公相肅稟廟謨益殫忠貞
某仰惟國家以深仁厚澤滂漉函夏如天覆燾以養以容
而狼子野心負恃搖毒參旗并鉞肆戮鯨鯢江淮不波安
樂含哺者繫誰之功深惟郅譙之所以來歸蠻荆之所以
自服蓋用儒之效如此所謂德在生民功在宗社勒之彝
鼎書之旂常者不勝載也公思與天下頌之

某每讀漢史見所謂山河帶礪之盟木嘗不喟然歎曰嗟
乎已薄矣絳灌武夫鳴劍其習氣耳使胃中有古今何至
是張番侯人傑也退然一山澤癯意者圯上老人之書未
可遽謂黃石兵法子房之與韓彭英盧異者如此伏惟公
相沉潛乎義理奮發乎功名詩書所傳了然在目某僭誦
漢事以布其愛助之區二

某一賤有司在垓北中不啻肖翹之細退自惟念公相雖
禮均宰揆曷絕百僚然大無不包惟所翕受者大臣之能
事也某用是以斐墨黷鈞造

某仰止九霞飛珮屏息以之其若奔走趨承之心有如皦
日

代與度侍郎

方秋崖

某伏以秋雲之澹桂壑香寒共惟某官禮樂熙朝黼藻王
度忠加啓沃有相盡臣台候動止萬福某翹風恭階之符
飛越輟輶

某聞君子用易之泰消息一身陰凝陽和不出吾圃惟繩
金鏤玉方鳴國家無強之丕休其鏘九龍冀以聲之適當
今日猶覲金玉躰府丹青太平

某惟皇上張漢天聲復周土宇北窮碣石西尽流沙乾清
坤夷一統無外方將挽天河以洗兵甲包虎皮而藏之誕

開文明緝熙容典中禮和樂以節以序上下礮際春融雨
濡喙息跂行沐浴膏澤猗歟休茲時則我秩宗制作之妙
已其咨尔伯維帝之休

某嘗謂三蘇公不作西州英靈之氣扶輿磅礴鬱積餘百
年蜿二蛇二萃為瓌粹筆精墨妙挾國之華翳鳳騎麟儀
我萬玉惟藻旒凝邃左臯右夔簪橐荷囊去兩地僅一武
每大除拜之冊薦紳聳聞鳴閣歸然夙莫延佇

某摧頽甚矣亦惟依倚一日之知恃以自壯仙凡夢斷如
誤入武林源一望九霞飛珮終墮塵土回首闌風三萬里
笑汗漫之游未知不舉手以謝盧敖否

某領邑叢山之底教家聚耳顧風作浪湧與海同波極目
茫然孰我維楫敢寅緣先契緝其蕪陋之辟端笏以告下
執事

某敢想蓬仙玉輯怡燕佳涼琳琅瓊瑤中表夷擇若有可

備馬牛走者共恪以之

與王吏部

前人

某伏以作噩之春乾元用九共惟某官於皇戰衛以先啓
行山川駭奔台候連止萬福某敢拜稽首敬為里父老迎
候於前驅者

某惟君諸侯以天子明命宅牧作藩麾符在行神百受職
某不勝大願二用易之泰康濟吾身以及其吾民

某聞之昌黎公歎大州也刺史尊官也地望之重於今餘
三百年矣戲下駕蓬萊之雲氣薄太微之星宿而辱臨之
制下之日所謂至清之水大好之山相與動色自得意若
曰繼自今田里其無愁歎之聲乎某於是不以賀執事之
得州而賀州之得執事也

某亦既以賀矣氓有進而言者曰吾州又凋瘵非復唐舊
今茲歲比不入微君侯其誰拊摩之而天球河苗宜在東

序恐君侯不吾州之屑也具宮胎寒弄明月天網下罩一日收某猶願少徐之

某往年綴末班幸甚得望匿犀於萬玉之表曾幾何日曼隔仙凡舉手而謝盧敖第聞笙鶴之音隱二在青冥間耳某氓也奚其攀拊之敢

某一生狷介與世少諧乃從軍諮巧祠猥亦予壘荷鋤耕舍夫須襪襖固無恙也穎川得黃霸氓將賣劔買牛我有二夫實同此幸

某日與耘夫堯子處無能爲言新史君之來筆荒硯蕪書所以後若其論大媿則晉粵啓凡役則妄庸某謹畧

代與范祭酒

前人

某伏以維莫之春綠氣深窈共惟某官道尊師氏流化三雍帝所睠加台候動止曼福某敢肅拜以爲斯道賀某聞天之生賢也不教則其備有九德燠和陰陽一身之

間自有所謂造化者在某不復敢爲尋常竿櫓之問塵滓聽思永惟聖天子所以設蘆之意甚寵敬願金玉躰府式對穆清

某惟漢唐以來老師宿儒以訓故專門者百數十家其尤大彰明者不過毛鄭孔賈二三子而章句之鑿去道逾遠蓋至本朝濂洛之學取洙泗之日月而洗濯之於是孟軻氏以後之傳始有所統逮今又百幾何年矣聖上一旦以大司成趣公於虞庠詎日月書季攷群多士以角梅聖言之時文哉開人心於九法欲敦之餘續斯道於六陰既剝之後意吾君之望國子先生者如此某輒誦所聞

某身落邊頭望群公騎麒麟翳鳳皇於碧落之外蓋不啻隔蓬萊三萬里也屬時艱難赤白囊馳道上者羽相及鞋負戎馬足跡我長淮夜籌軍書率午漏下十刻比曉則策馬筮馳四郊矣以故筦記無疵賤名氏士不幸當邊鄙之

風寒又不幸遭時事之荆棘倚筆三歎

某技止此耳矣然自危之以爲財竭而府庫空兵寡而營壘空民流而田野空向使賈太傅生此時不知幾流涕幾慟哭也朝奏而暮報可切以爲遲而脉絡不貫通手足不運掉爲邊臣者且柰何哉執事與二三大臣弥縫密勿亦得無寒心於此否某願與聞

某四年于淮憂時之髮已班二然雪矣追數其過司敗所不貸也而上息誤及進直西清章七八辭不得已而後拜寵褒之渥與天無極然所以禦寇者不在是某才輕責重夙夜惟艱

某寅想九霞飛佩之仙郁穆於閭風者裕如也某不敢以請而敬問其所以條委者

代與丁察院

方秋崖

某伏以天地之肅尊收司聲共惟某官鷄立朝端霜凝臺

簡譴言鯁論炳二如丹台候動止萬福某溯風烏府敢條其所以爲朝廷賀者

某聞國有著蔡山川寶藏陰凝陽和上下蟠際將使蹇二諤二爲紀爲綱以壽我宋億萬年無強之休肺鼎毛饗願少加之意天下幸甚

某切惟 皇上養聰晦明一瞬十載淵嘿高拱無聲无臭殆如春霆以蟄發則奮厲震迅不及掩耳陰雲解駁大明劃開乾清坤夷纖埃不翳於是曩時城狐社鼠仗馬轅駒一洗而空之盖歐陽余蔡之在言路也宗社靈長繫此盛舉

某伏惟剛大之氣充塞天地不吐不如雷厲風飛汲直在庭奸膽驚落皂囊數十疏剴切上當帝心意若曰有李勉而朝廷尊是知天下不可一日無儒者之論正色山立內陽外陰此吾 宋之一泰也顧惟經濟底蘊堯薰舜釀謨

明弼諧有政路在

某退自惟念上厲精如漢宣帝欲寓內無一愁嘆之聲偃室必堂維卓維魯祈雖斗辟縣意必在海涵春育中某何如人敢辱銅墨若曰安問狐狸庶其免矣栢臺在望毛立骨寒

某往年望瑤玉之光如五雲絢爛非煙非霧流景浮空泥蟠天飛惟有屏息區二依憑一日之雅衿以爲禁染翰操觚晉于臺制

某賤有司耳其於九霞飛珮曼隔仙凡惟當祇畏簡書奔走先後

代與袁大監

前人

某伏以天地既春草木欣豫共惟某官使華焜耀對敬帝休臺制靖深台候運止萬福某敢不端笏爲吾道賀

某觀頤之象切謂起居以養形消息以養氣操存以養德

贊育以養人則所謂金玉体府爲國保綏此吾黨至願惟少加之意

某望紫垣奎壁之間禁光燁然占者曰是謂魁躔將有以

鴻筆麗藻陶鎔帝皇舒翹揚英玉我王度者出未幾而

皇帝御集英殿親擢公爲第一在廷薦紳舉笏相賀曰今

之董仲舒也蓋幾何年於此矣某惟有虔敬

某恭審茂服帝俞緝釐匠事併載董狐之筆入刊司馬之

書伏惟離抃某切觀祖宗盛時凡上所親擢者時謂儲相

不十數年間告庭大拜不自意公今日而以繕監召也然

則所喜者端人登朝衆正其彙征乎某豈勝延跂

某以世祿得官一俗吏耳然建事先尚書見其訓誨諸父

得聞慈湖絜齋兩先生之學即其書而讀之者有年矣某

官以慈湖之傳嗣絜齋之遺響其以吾道自任當世不

一二教某安得執御以驗吾心之本靈本明者

某奔走節下於今兩考而餘幸而大父於先正有同朝之
喜季父於執事有同年之盟抑人有言長於伯樂之既生
於匠石之囿而不見取則信爲不材下乘矣惟先生拊之
使薦仲大夫目之曰是嘗登蒙齋之門某倚以爲重
某屬吏也不敢上仙輯之問條教所及某願趨承

代與蔡總郎

方秋崖

某伏以秋聲未涼稻花晚秀共惟某官於皇玉節風聳江
淮臺制靖嚴清寧翊亮台候動止萬福某盟淪神識九頓
首而致稟函於節下

某切惟天生鴻碩躰備四時嘘吸卷舒蓋與造物者相爲
周流陰凝陽和罔有不若某屬吏也其敢贅以請於鼎俎
之司存者

某聞之諸老往年紫垣奎壁之間榮光燁然占者曰是謂
魁躔將有以鴻筆麗藻舒翹揚英者出未幾而尚書而爲
南省第一太末群盜所謂必蔡司直來我輩洗兵歸田廬
者蓋文昌的傳也某之生晚不逮事文昌何其遭逢猶辱
在崇臺牛馬走之下列遡詹符采惟有屏息

某切謂國家深仁厚澤涉瀝函夏如天覆燾以養以容而
孽芽其間負恃搖毒亡胡妖囁亦惟腦沙幕髓余吾矣蠢
茲靽虜新與爲鄰不能不上勤丙夜憂顧輟名德以總饒
意固有在然天下不以是望公也小之則紫霄玉清筆宣
皇澤大之則太微天柱神會帝謨惟天子之休命

某碌二不武亦嘗操觚弄翰相與逐鹿場屋間而藐然一
青衫不能以文墨取歸而眠吾詞林之衣鉢顏其甲矣一
官落南化碧之腥猶在不尚班引得瞻天日之光分邑窮
山凜若淵谷維我敵簡公之訓忠肅公之節爲子若孫者
不敢忘伏惟撫存之盛心加前人之忠而丕覆之某其何
幸

某贊名之初謹件副札如左敬至而無文語莊而不綺肅
使者而祝之曰庶其徹於電岩乎蓋其恭且敬如此
某仰止逢翠如隔雲霄寅想瓊玉因依芝蘭郁穆下邑凡
役覲稟成模

代與何總卿

方秋崖

某伏以南風之薰水花娟碧共惟某官妙幹吾國如漢蕭
何有斐莫宣台候動止萬福某謹三肅復命于典史氏
某惟王人握數路財賦盈虛之柄蓋國之命脉繫焉山君
海王時節啓處調肺鼎鼎作宋寶臣則區二善頌云者庸
何贅

某疇昔之日有薦紳大夫我然纓其冠而前賀者曰朝廷
驛召何少卿爲西總矣少卿負一世之望蚤游邊城知軍
戎萬里情而才又非劉晏輩所敢望當今貔貅野宿日增
竈未已也士飽而歌馬騰于槽以相我皇上麾荆柄之幡

而滅此韃者其不在少卿乎某得之師言敢不以告

渠東相也公西總也壤地之相去固有間矣脉絡所在則
痒痲疾痛舉切吾身遭時多艱事會無極所謂同舟風波
胡越相救猶左右手之日也敬願節下毋彼毋我以克成
共濟之勲俾某得自附旂常竹帛之間抑何幸甚

某所自慶幸者然耳獨聞之道路則謂一代偉人當從容
萬玉之班吾君上下其議論四輩其在行矣蓋期其入者
曰式遄其歸而覲其留者曰毋以我公歸兮此二說也而
一說也繇後之說則某之私

某四年于淮憂時之髮幾雪矣韃負戎馬足信然有飲江
之心此何如時而使不武若某者以身當之賴天之靈宗
社之福徃二不得志于我靡夙靡夜磨礪以須亦惟忠於
國家者之所教誨

某緝輿人之誦如左而告於門下舍人曰蓬壺其惟襲慶

乎燕城其无委役乎謹拜手以請

與李國正

前入

某伏以湖山春老花雨未晴共惟某官對揚殊綸辦嚴入
覲吾道增重台候連止万福某敢不敬與諸儒同一引領
某惟君子以吾心爲太極以吾身爲乾坤其動靜闔闔蓋
有妙造化而難知者則凡所以存燮理寄經綸於一寢飯
問某焉用禱

某聞國家以科目取士其上三人者多不十年取卿相文
章事業磊二掀天地而執事者獨袖鼎董之策三入莫而
未休豈冲天驚人固在不蜚不鳴之後耶某實與薦紳大
夫歛衽焉

某比讀除綸切審妙簡魁彥入爲師儒辟雍斤二如熙春
臺而風舞雩也聞之道路上方拊髀而歎以爲公等安在
何相見之晚必將貯之雞翹豹尾取以自近意者其金華

朝夕說書乎某恐非二子所能留也

某記望匿犀之年當是紹定元二間與金監抵掌談兵處
也老我未脫場屋而台座之禮樂三千字亦尚留奇骨於
今幾何年適相值於太學人生會合之難如此留落不偶
姑置之

某往年佐淮東軍以口語觸前宰相之怒三年牛下蓋已
謂休此生矣乃春弓旌四出亦與招徠不學無文倚席負
負惟下執之所以教某其書紳

某賤且卑不啻金薤琳琅駢四儷六而賜之書捲錦鯨還
之則所不敢乃盟薇露焚瓊蕤而告之曰前驅將以何日
次脩門乎某將望塵以拜

與葉秘書

方秋崖

某伏以春臯雨足澤二農養共惟某官夙戒屏星亮佐藩
輔台候動止萬福某敢不敬爲父兄子弟賀

某伏想題輿戾止練水皆春仁聲洋溢山意翔舞其所以
調娛鼎亨者惟謹某用不以黷侍中櫛者

某惟歛雖褊小然古稱大好山水州也騷人墨客其寄寄
寓逸猶在晴嵐暎翠之間執事以東壁一星辱臨之此邦
其何幸

某聞禮部第一人自當不出帝城取卿相豈有翱翔羣玉
之府校讎太微之庭而猶以半刺史分風月乎名在御屏
會且召矣

某自別行在所無何以憂歸去冬外除亦嘗一望翹材館
吳枯枿難春亟返吾故鉏煙耕雨我有二天則亦未為不
遇

某拜手敬想年家尊大之輯流慶演迤或二泰二
某亦恐交坡桑隴之外課爰民瘼惟所以命

代與江西陳漕

方秋崖

某伏以春野雨深俶載東作恭惟某官裊殫忠於玉節於
皇元穹真宣台候動止萬福某謹溯江而西興敬於侍御
者

某寅想西山南浦之春雲暖而下寒雨新而驟霽所以調
肺饗膳者眈時益加謹伏惟將明隆指之暇少垂意焉以
幸僉臚

某切惟聖天子奮發英武獨運叡謨乾端坤倪軒豁呈露
其敷玉蕤於丹宸鏘瑤佩於文墀皆端士也薦紳相日以
爲牽華崑圃冰碧藻曜如先生者不二三數飛駟自東奉
尺一詔而歸有日矣故不敢道蕭何關中故事以請於節
下

某睇磨璇極仰斗宿之光寒拜手稽首而起敬者蹙蹙如
也蓋自昨歲贄詞于筦記者今復見春風矣眈吾篋衍有
琅晝在時一熏爐而讀之如侍函丈

某不武書滿者餘半年至今近代者三蓋其初為墮甌再為弃帷而今所與交承者又在嶺之南曰曲江三千里而遙雖其疾驅而至恐入夏秋之交末路煎熬虛老歲月惟先生幸教

某敢問師門蓬仙之眷共惟燕喜洪郁蘭玉翹秀某門弟子也非僭

某伏恐岩邑有可倫驅莢者某奔走先後

代與高漕

方秋崖

某伏以霖雨霑如稻畦蘇醒共惟某官使華焜燿風聳江壖臺網靖深天所開右台候動止萬福某謹端笏為朝廷賀

某聞之曰通天下一氣耳爛為慶雲粲為景星流為醴泉滾為甘露而其在人者是為盛德君子蓋天地之至和也某願節下存此至和以幸一道

某切惟國家如天覆毒丕臣萬方彼蠢者胡敢自肆於範圍之外賴天悔禍亦既犁共庭掃其穴而寢處其皮矣然韃戎挾蛇豕之毒侵我邊鄰中原憂未歇也龜貅野宿萬竈雲屯使吾儒胃次有甲兵則鞭笞之易耳夫是以屈六轡而東之公用不敢薦聞鄙俚閩中故事

某思蜀士惟無出二則器能政理卓然如諸葛武侯躬耕南陽而天下事固已龜卜燭照於草廬中英方節下以西州第一人入對延英漏下十刻蓋上見謂晚也願及大有為之時建立磊二撤天地事業磨浯溪之石椽筆大書以傳無窮公與拭目焉

某嘗攷韃戎自唐僖宗時從朱耶赤心討叛勛蓋咸通之九年十年也朱耶赤心即五代唐莊宗之祖曰李國昌其後李鷓兒又以韃兵復京師則其鷓悍殘忍於今三百四五十年矣事會之來無有終極百餘載間滅遼滅金而今

茲又將減鞬伏惟飛輓之暇所以討論其故者詳某輒贅
言之以裨幕府末議

某不肖似蓋自去年之八月已及成瓜代者每參差一至
于此今所與代者又在嶺以南逐人之往幾何時計當壓
境矣某雖旦夕去容其詎容簡於禮

某載以崇臺岌業其視九霞飛珮天人也惟有屏息教條
所及某猶覲趨承

代與方提刑

前人

某伏以梧風既秋奇暑滋武共惟某官皇皇麾節民以靖
嘉丹筆流春高堂申錫台候動止萬福某敢齋宿奏記瞻
溯使垣以冒聞于典史氏

某切惟天地扶輿之氣鍾稟入英負陰抱陽和粹流浹顧
惟斯人愛助之意猶覲莫宣天緯金玉鼎饗一道幸甚

某恭讀國史見寬大之書爲民而下者十八九未嘗不嘆

曰我朝以仁立國期於無刑非惟方字皆春沐浴帝澤
而際天所覆罔有一夫之向隅者吾君之心其天之心乎
夫是以揭節平反屈六轡而東之堯有臯谷好生之德洽
民熏爲泰平布在謨典甚盛甚休

某聞蓬萊隔弱水三萬里風引孤帆而去莫近翠雲此
所以未能斂弄明月之珠頡頏飛霞之珮也然嘗從薦紳
大夫後知其琳琅翰墨塞秀瑤林使鞭鳳宮鸞羽儀萬玉
謂當朝元圃而夕崑崙矣綠綵夜下尚切遲之

某聞惟兵與刑自相表裏寇賊奸宄蓋作士者事也班孟
堅志刑而不志兵亦切取之矣玉山藩輔一卒器誰禽狝
而獸難之無難者皇帝若曰公有甘棠在焉移鎮燕凝將
紛然騎竹馬而迎于竟何以弄潢池之兵爲恭惟廟謨天
運神化

某以世祿得官一俗吏耳然雪窓燈火之夢未寒也身墮

嶺雲之外衣屨瘴腥朝家憐其艱辛賜以班改且謀不審
分邑萬山間地瘠而民貧未易摩拊二天丕覆敢不件副
墨以修告至之恭

某仰止翠瀛如在璇極屬邑今有屏息而已若以職事奔
走洗手敬承

代與王提舉

方秋崖

某伏以金穉而柔涼宇未肅共惟某官香凝清燕玉節於
皇庾臺靖嚴百尔宣奠台候動止萬福某端拜為斯民賀
某聞盛德君子者天地合氣陰陽委和其神淵澄其德玉
潤某猶覲凝情滌慮混和天倪使國有宗儒黼黻河漢豈
惟善類之幸

某切惟聖天子膏澤寓內如歲之春迺者下寬恤之書所
以愛養元二者至纖悉也根蠹節蠹疏剗除當宁慨然
猶以常平使者為重意若曰俗吏富國既而國富而民貧

國貧而民亦貧矣其能均齊欽散以壽我 宋千億年無
強之命脉者其惟吾儒乎夫是以屈六轡而東之甚盛甚
休

某望紫垣奎壁之間榮光燁然占者曰是謂文明將有以
鴻筆鹿藻陶鎔帝皇舒翹揚英金玉王度者出未幾而皇
帝御集英殿親擢多士公時雖在茅五而廷紳之相賀者
曰杜牧之乃為茅五人何為不廷魁也蓋幾年於此矣某
惟有虔仰

某以世祿仕藐然一俗吏耳顧雪屋之燈書味固無恙而
諸父詞林之衣鉢其牙籤之挿架者猶足以玉我為也迺
碌二不武落其家聲斷梗漂流墮在梅花閉月之外僅以
自脫法當班改而為縣忝冒來此則氣象葦然無以大異
於嶺南聚落心之憂矣臍噬謂何

某聞之薦紳大夫以為天下無可為之邑正使陽城復出

亦付之六太息而已滌龜伊昉敢於告至之書而道其所
然者伏惟節下加我猷簡公之勤勞王家憫我忠肅公之
殺身不辱而施及其後人則幸矣某猶桑梓也輒私布之
某埃壚賤微望蓬翠隔弱水三萬里此非塵凡名氏所敢
瀆惟條教之及某也趨承

代與趙判宗

前人

某伏以霽景融春倣載農事共惟某官殊庭怡逸願天之
情皇明受釐台候動止萬福某齋宿奏記惟高凝幸鑒其
衷

某切惟天地合氣陰陽委和其神淵澄其德玉潤猶覲凝
情滌慮混和天倪使國有先臣廉貪立儒則豈惟善類之
幸

某辱在子姪事尊有彝謂當晨省鼎亨昏定茵寢於此心
猶以爲慢顧惟爵一德一齒一兼天下達尊之三而某也

卑且賤其敢以書疏之教爲禮

某聞士大夫養恬真館逸想自閑門下之士則必稱述裴
晉公綠野之遊與謝太傅爲蒼生而起故事以致其歸慕
之萬分一若某則以爲出處無愧進退裕如使天下聞伯
夷之風一洗貪競其有補於世教孰多切深歎仰
某試此岩邑不自意兩考而餘胤技既窮百短呈露強弩
之末如魯縞何安得老先生一言爲我鍼砭朝夕以冀某
其書諸紳

某幸甚辱與贊府公同寅亦旣假寵矣天啓佳晤乃今又
得以秣糠之政累吾明府公雅好愛重夫豈入只鯉庭詩
禮其實與聞之以口語心庶幾自幸得以一拜靈壽之杖
某贊詞翠蓬之輯具嚴令判縣稟函中英某奚瀆之敢苟
有以教之唯所以爲

與南康游太守

許子良

某伏以明庶風來生意開動共惟某官千騎春隨惠氣廓
拂百神給扶台候動止萬福某三熏三沐裁贄積修屬邑
下吏之敬凜思不敏

某切聆朱轡皂蓋之東江頭騎竹兒童懽于而聲喜于而
色莫不曰仁賢刺史之來天之所以福此郡也五世人浮
嵐煥翠間亦且開顏一笑相迎溫乎其和可知矣某焉用
贅

某共惟聖天子丙夜不安枕惟元二本根宅生是寃是罔
謂康廬壤地雖褊小實朱夫子道化之邦教十百年間遺
風餘韻要有以繼續是用分命我公移輪蒞止千里之民
幸矣敢再拜賀欽以某官當今文獻家宇內之士翹首想
望不翅泰山北斗之尊朝夕論思日月獻納皆上所注意
以道得民小試儒效政平訟理不占以孚匪伊選所表為
公卿丕展先正經綸之蘊使天下知有喬木世臣願不遑

歎敬重拜賀

某無能為役早得從文肅公徐先生賢父子游迨今在門
入弟子列每聆議論人物未嘗不推名門為斯世冠冕某
所願觀賢入光耀聞一言以自壯者有時矣低頭吏鞅幾
負初心乃今何幸遂獲備太史公牛馬走引領下風此生
不虛矣

某為吏非才辱知諸老先生望外脫選亦謂得百里地或
可少行其學道愛人之志前年冬到官適承弊壞垢玩之
餘逋賦糾役置訟謬不可訾者而促中小性又不習為耐
眊劬躬卑力為之爬梳徒有好尽之累竟亦何益縣官分
罷去久矣臺郡廉其無它既寬儉之又從而褒揚之用未
滿適敢謂際逢又得事道德宗工奉令承教非造物惠顧
而何語心自夸距躍三百

某俶貢賤氏名非文莫之輸焉何敢以庸謬廢被滌簿書

之塵課儷語一通百拜持敵擊鞞鼓正於黃鐘大呂之側
惟唐突是思

某仰首雲霄珠聯璧合祥光炳二然知為德宇之符不敢
僭躡申問敬奮奏後先屬令賤也約束頒下無敢不恭

與南康守游寺丞

余總領淮東

某切以巧雲障秋明河炯夜伏惟某官易地分符初令已
熟神百其相台候動止萬福

某惟建邦選侯眠印盼教在江山清絕之境擁堪輿滋至
之休不暇贊祈居然泰定世俗贅請宜用略之

某沂流而西徒積揚瀾左里之思真可望而不可到也自
朝至是恨肉又

某欽以某官鴛班才彥龍宸眷知上雍馮城合在司馬吾
丘之列半銅佩虎何止信臣杜詩之儔微發凝香畫戟之
吟健賞壁開青峽之景席不待煖綸已隨盼甚盛甚盛

某東淮餉領虛老周暮北闕敷綸濫陞漢者辭不獲命
浮于榮無非餘映之可依更虞善後之當力尚期履廣以
迄玉成拜扣拜禱

某已辨謝襃遽柱華牋粲然橫陳虹燭無際焚香虔受莊
報有彝又負潦鹵之慊耳等惟体鑒

某伏恐京口使令惟命是共

與繆路鈐

方秋崖

某伏以韶風已暄丹羨成綠共惟某官肅將戎旅於穆和
旌休有異宣台候動止曼福某謹斂衽以贊名氏

某雅聞妙略為國虎臣調肺鼎饗必有踴躍後先者誦黃
庭二景之章稽洪範五福之疇某何庸贅

某與東加士友漱滄芳潤者有年獨執事袖司馬櫟首之
書小遊塞上雖聲光如斗欠此一識每談當世雋傑某豈
勝馳敬

萬

某聞之薦紳大夫以爲瑤林騫秀妙墨琳琅圮上老人乃
以一編相授受於夜半囊堯戟轟長我魏師此固在旦夕
間抑靈砂圭刀換骨仙去又將泛八月之槎問訊廣寒之
玉蟾也某敬竚

某家新安萬山之底退然一腐儒耳雖魁漕闈冠別者擢
甲科而此區二者何益於世異時請學士賦詩詠退此賊
政恐不滿高明之一笑某尚其勉之

某溯風醉亭飛無六翮大捆不知其無似留畫帷籌毛錐
子安用哉實深感歎今幸得請其相從於林霏岩暝之外
有日矣惟玉帳嚴靖俾二三子得安意于學宮抑某受賜
某何者辱瀆翰先之開闔一再謹件其感且謝者如左九
霞飛珮寅想郁穆翠蓬此有刊委敢請

與李司戶

方秋崖

某伏以蘋花風老寒入鴈聲共惟某官式對皇明元穹委

旣台候動止曼福某謹三肅以復堯記者

某觀願之象切以爲吾身自有天地所謂五鼎芍藥兩箱
籩餼者抑外也敬略

某聞執事聲在楚東又笑春風輦路天幸辱分纒題之暉
墨妙琳琅落我襟袖慨其歎矣有懷玉人

某惟士方窮時望一茅意其跨元圃登崑崙也而事有大
謬不然乃今知耳如執事孤鏘文響手拾漢科今幾年何
始爲窮邊戶曹掾則某輩齷齪者其真之勿復道

某謂今三連越在邊鄙抑聖朝舊服也休明之世猶使
豸衣冠而忍置吾亦子之塗炭乎然則屈之民版願無鄙
夷

某癯然一書生於莫府無能爲役借籌帥屏安用毛錐子
爲塞草秋黃邊事孔棘如吾徒者要當束之高閣請娛太
平何以教之某敢不伸佩

某伏想年家尊太之媿郁穆翠蓬如有翫役于蕪城唯所以命

代與浦城鹿宰

方秋崖

某伏以秋雲逗雨桂壑香寒共惟某官仁洽雉郊琴意間暇元穹錫羨台候動止萬福某敢不爲里父老賀

某觀頤之象曰山下有雷以山之生物而雷蟄之則根亥芽甲怒長而拔起君子蓋不獨以自養焉養其身以養人某猶願少加之意

某比讀除目切覩遙飛鳧鷖臨吾父母之邦和氣先驅山亦翔舞漢制郎官上應列宿出宰百里其委寄至不輕也聞之東西行者必賤之堂畫簾閒靜而耕雨之策荷月之鋤皆自得於歌謠之外某旣稔政聲矣

某自兕時聞密令爲三公故事此固近世無有然延英曉殿鷓鴣雖二琅玕瓊裾在帝左右如公輩蓋已簡注疑旒

矣孰謂玉璫黃流之醲郁冰壺朱絃之勁清廼猶未鍾呂間耶式遘其歸儀我班著

某往年官越幸甚辱在寅恭代庖秋曹又忝交承之契一問何闊蓋自前之歲贄訊以來今茲幾缺然雪溪之舟蘭亭之楔未嘗不墮清夢也某倚筆飛越

某謬庸無似試邑窮山之間民貧歲饑百短呈露亦惟疇昔教訓無斁死忘今幸已書蒲代者來暮去心已馳然猶未知下里門之日也田彼南山吾實受廩焉豈無他人莫如我契舊某切以爲請

某寅想仙蓬之聚蘭玉因依燕此佳涼多祺泰或未行有翫顯覲刊垂

代與姚判簿

方秋崖

某伏以麥之秋矣風日清微共惟公官輿衛在行啓處加靖台候動止萬福某敢不爲前驅賀

某切惟吾身在造化之園不息則悠久自強則精明此君子素學也惟政履勞貴某猶覲於鼎飪留情

某聞之孫子嚴其言曰高士不為主簿而大夫君以實為可士安得獨自高某意此公棲身枳棘間而曾次之蕭二者超然塵埃之外矣伏惟執事以劔津之光寒乃惠然辱臨之繼自今英材館增九鼎重矣某謹拜手延佇

某嘗與有識共談天下士歎科目之陋以為重厚典刑如執事者其落筆為文章猶能挾國之華烟獨屈之南廊試耶或者天將大其聲名如董体仁故事則黃閣紫樞無不可者某蓋已誦言於甲櫝矣

某思昔夜窓之誨如信宿耳栩栩清夢笑談琅琳曾不自知其幾何年矣試邑青山之縣瓜熟而不得去意者天之所以惠佳晤也前輩老成人必有苦語以相鍼砭某肅襟竦之

某為邑長於斯今殆五日京兆耳不面謙下儻翰相光謹條其所以感且愧如書然不能誦執訊者萬分一某其知罪

某寅想九霞玉輯郁穆惟嘉百尔委條式顯榮曉

與趙仙尉

方秋崖

某伏以一雨勒寒花事未競共惟某官仁聲先路民舞以歌台候動止萬福某敢不引領

某維柯臺山水妙天下真仙所故家凝英育奇多為趙王所幾為鼎首少留意

某讀國史見先正趙獻公正色立朝至號為鐵面御史未嘗不欽衽三肅思見其人而不得思見其子孫喬木蔚然惟有瞻敬

某惟台座黃鍾大呂之函和清廟朱絃之勁直酸寒深尉小屈英意者雲入古廳政久孟東野詩耳鷓鴣飛下君寧

肯留

某田家作勞晚事科舉抑區二者適爲崇年衣猶溫噴有
煩言歸尋月鉏舍者爭席如使村無犬吠某與受其賜
某見蘇長公道清敵公居有溪石松竹之勝東南高士多
從之遊意甚慕之不識他日輟耕許從容梅屋聽話故家
遺俗否某用敢以其名聞

某切想群仙天飛環珮冰玉某氓也敢僭興居

新編翰苑新書卷之四

別集

王化奎

書